

ԳԼՈՒԽ Լ.

1 Յաղագս սգոյն, որպէս սգային զհայրապետն Ներսէս, եւ լինէին զմմանէ կաթոգի:

2 Ապա յետ սպանանելոյն Պապայ զսուրբ հայրապետն Ներսէս, տխրեցաւ ամենայն մարդ խոր տրտմութեամբ. եւ ամենայն մարդ երկրին Յայոց հաւանէին խաւսէին եւ ասէին. Բարձեալ են արդ փառք Յայոց, զի բարձաւ արդարն Աստուծոյ յայսմ երկրէ: 3 Խաւսէին իշխանքն եւ Նախարարքն, եւ ասէին. Գիտեմք արդ թէ կորեաւ երկիրս մեր. զհա՛րդ հեղաւ արիւն արդար ի տարապարտուց, մանաւանդ զի վասն Աստուծոյ սպանաւ: 4 Եւ խաւսեր Մուշեղ սպարապետն Յայոց եւ ասեր. Սրբոյն Աստուծոյ հեղաւ արիւն ի տարապարտուց. այսուհետեւ ես ոչ կարեմ երթալ ի վերայ թշնամեաց, եւ ոչ նիգակ ումեք ուղղէ: 5 Չի գիտեմ եթէ եթող Աստուած ի ձեռնանէ զմեզ. եւ լքեալ եմք, եւ ոչ կարեմք համբառնալ զգլուխս մեր. զի գիտեմ ես՝ եթէ չիք յաղթութիւն ի վերայ թշնամեաց երկրիս Յայոց. յաղաւթից նորա էր յաղթութիւն որ մեռան, եւ ազգի նոցա: 6 Եւ սգային ամենայն ազատք եւ շինականք ծագէ ի ծագ ամենայն սահմանաց երկրին Յայոց, ազատք եւ շինականք ամենայն բնակիչք տանն Թորգոմայ, հայ լեզուսն առ հասարակ:

ԳԼՈՒԽ ԼԱ.

1 Յաղագս թէ ո՛րպէս զվնի մեռանելոյն հայրապետին Ներսիսի, եւ կամ ո՛րպէս ի Նախանձ մտեալ տապալեաց թագաւորն Պապ զամենայն եղեալ կրանսս կանոնիցն՝ որ ինչ եղան ի Ներսիսէ առ կենդանութեամբ նորա ի նմանէն:

2 Իսկ թագաւորն Յայոց Պապ, զի թեպետ եւ սպան զհայրապետն աշխարհին Յայոց զՆերսէս, սակայն ոչ յագեցաւ մահուամբ նորա, այլ ջանայր այսպէս՝ թէ զինչ միանգամ կարգք իցեն ուղղութեան ի Ներսիսէ եղեալ յեկեղեցւոջն, եղծեսցէ եւ խանգարեսցէ: 3 Եւ սկսաւ Նախանձ վարել ընդդէմ յառաջագոյն կանոնելոցն ի նմանէ. եւ սկսաւ հրաման տալ յայտնապէս յաշխարհին աներել զայրենոցսն եւ զորբանոցսն՝ զոր շինեալ էր Ներսէս ի գաւառս գաւառս, եւ աներել զկուսաստանսն ի գաւառս գաւառս եւ յաւանսս յաւանսս պարսպեալս եւ ամրացեալս, որ նորին Ներսիսի էր շինեալ վասն ամրապահս առանգոցն<sup>1</sup> զգուշութեան: 4 Քանզի յիւրում կենդանութեան երանելոյն Ներսիսի էր շինեալ. շինեաց զայս կուսաստանս յամենայն գաւառս, զի որ միանգամ կուսանք եւ հաւատացեալք իցեն՝ անդր ժողովեսցին ի պահս եւ յաղաւթս, եւ կերակրել յաշխարհէ եւ յիւրաքանչիւր ընտանեաց: 5 Չայն ա-

1 Ի վեց օրինակս՝ անանդոցն